

1. ხელშეკრულების დამდები მხარეები და შესყიდვის ობიექტი

ერთი მხრივ, შპს „საქართველოს მელიორაცია“ (მის: თბილისი, მარშალ გელოვანის გამზ. №6), წარმოდგენილი - მისი გენერალური დირექტორის არჩილ ბუკიას სახით (შემდგომში "შემსყიდველი") და მეორე მხრივ, შპს „ორიენტი“ (იურიდიული მის: ქ. თბილისი, კრწანისის ქ., N8, კორ. 2, ბ. N22) წარმოდგენილი - მისი დირექტორის შორენა კიჭმარიშვილის სახით (შემდგომში "მიმწოდებელი"), ვდებთ წინამდებარე ხელშეკრულებას შემდეგნაირად:

"სახელმწიფო შესყიდვების შესახებ" საქართველოს კანონისა და "ელექტრონული ტენდერის ჩატარების წესის" მოთხოვნათა შესაბამისად, შემსყიდველმა გამოაცხადა ელექტრონული ტენდერი ჩანგლიანი დამტვირთველის სახელმწიფო შესყიდვაზე, რომელშიც, სატენდერო კომისიის გადაწყვეტილებით, გამარჯვებულად მიჩნეულ იქნა მიმწოდებლის წინადადება შემდეგ თანხაზე: 53'820 (ორმოცდაცამეტი ათას რვაას ოცი) ლარი (შემდგომში "ხელშეკრულების ღირებულება")

2. ტერმინთა განმარტებები


- 2.1. "შემსყიდველი ორგანიზაცია" (შემდგომ "შემსყიდველი") ნიშნავს ორგანიზაციას, რომელიც ახორციელებს შესყიდვას.
- 2.2. "მიმწოდებელი" ნიშნავს პირს, რომელმაც მოიპოვა გამარჯვება შემსყიდველის მიერ გამოცხადებულ ტენდერში (SPA170012900).
- 2.3. "ხელშეკრულება სახელმწიფო შესყიდვის შესახებ" (შემდგომ "ხელშეკრულება") შემსყიდველსა და მიმწოდებელს შორის დადებული ხელშეკრულება, მასზე თანდართული, მიმწოდებლის მიერ, წინამდებარე ხელშეკრულების 2.2 პუნქტში მითითებული, ტენდერისათვის წარმოდგენილი, ყველა დოკუმენტით, კერძოდ:
 - 2.3.1. ფასების ცხრილი (დანართი №1);
 - 2.3.2. საქონლის მიწოდების გრაფიკი და ადგილი (დანართი №2);
 - 2.3.3. ანგარიშსწორების პირობები და ვადები (დანართი №3);
 - 2.3.4. ტექნიკური პირობები (დანართი №4);
 - 2.3.5. საგარანტიო პირობები და ვადები (დანართი №5).
- 2.4. "ხელშეკრულების ღირებულება" ნიშნავს საერთო თანხას, რომელიც უნდა გადაიხადოს შემსყიდველმა ორგანიზაციამ მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 2.5. "დღე", "კვირა", "თვე" ნიშნავს კალენდარულ დღეს, კვირას, თვეს.

3. ხელშეკრულების საგანი

- 3.1. ხელშეკრულების საფუძველზე მიმწოდებელი კისრულობს ვალდებულებას, მიაწოდოს შემსყიდველს ჩანგლიანი დამტვირთველი (შემდგომში "საქონელი"). ხოლო შემსყიდველი კისრულობს ვალდებულებას, მიიღოს მოთხოვნილი საქონელი და გადაიხადოს მისი ღირებულება ხელშეკრულებით გათვალისწინებული წესით.
- 3.2. შესყიდვის ობიექტის კლასიფიკატორის კოდი: 16700000.
- 3.3. მისაწოდებელი საქონლის დასახელება, განზომილება, რაოდენობა და ერთეულის ფასი განისაზღვრება ფასების ცხრილის შესაბამისად (დანართი №1).
- 3.4. შესყიდვის ობიექტი შეფუთული უნდა იყოს ქარხნული წესით ისე, რომ დაცული იყოს გარემო ზემოქმედებისაგან, გარდა იმ პროდუქციისა, რომლის შეფუთვაც შეუძლებელია ქარხნული წესით.

4. ხელშეკრულების შესრულების კონტროლი

- 4.1. შემსყიდველი უფლებამოსილია განახორციელოს ხელშეკრულების შესრულების კონტროლი ნებისმიერ ეტაპზე.
- 4.2. შემსყიდველის მხრიდან ხელშეკრულების შესრულების კონტროლს ახორციელებენ: ცენტრალური საწყობის უფროსი ან მისი უფლებამოსილი პირი, ტრანსპორტის სამსახურის სპეც.ტექნიკის უზრუნველყოფის განყოფილების უფროსი სპეციალისტი - გიორგი სუხიშვილი (შემდგომში „ინსპექტირების ჯგუფი“).
- 4.3. ინსპექტირების ჯგუფის ფუნქციებია:
 - 4.3.1. გაუწიოს კონტროლი ხელშეკრულებით გათვალისწინებული საქონლის მიწოდების ვადების დაცვას;
 - 4.3.2. დაადგინოს მიწოდებული საქონლის შესაბამისობა ხელშეკრულებით გათვალისწინებულ მოთხოვნებთან;
 - 4.3.3. გააფორმოს მიღება-ჩაბარების აქტი მიმწოდებელთან და უზრუნველყოს მიწოდებული საქონლის მიღება.

„შემსყიდველი“
შპს „საქართველოს მელიორაცია“

არჩილ ბუკია
გენერალური დირექტორი



5. საქონლის მიწოდების ვადა და ადგილი

- 5.1. მიმწოდებელი ვალდებულია, საქონლის მიწოდება განახორციელოს საქონლის მიწოდების გრაფიკისა და ადგილის შესაბამისად (დანართი №2).
- 5.2. საქონლის მიწოდებას უზრუნველყოფს მიმწოდებელი საკუთარი ხარჯით.

6. საქონლის მიღება-ჩაბარების წესი

- 6.1. მიმწოდებლის მიერ მიწოდებული საქონელი ჩათვლება მიღებულად მიღება-ჩაბარების აქტის გაფორმების საფუძველზე.
- 6.2. მიღება-ჩაბარების აქტის გაფორმებასთან ერთად, მიმწოდებელი ვალდებულია წარმოუდგინოს შემსყიდველს საქართველოს კანონმდებლობით გათვალისწინებული შესაბამისი საგადასახადო დოკუმენტაცია.
- 6.3. მიღება-ჩაბარების აქტი დგება საქონლის (ან მისი ნაწილის) ყოველი მიწოდების დასრულების შემდეგ.
- 6.4. საქონლის მიღება და საბოლოო შემოწმება ხდება საქონლის მიწოდების ადგილზე.
- 6.5. საქონლის (ან მისი ნაწილის) მიღების და/ან საბოლოო შემოწმების შედეგად გამოვლენილი დეფექტის ან ნაკლის აღმოფხვრას საკუთარი ხარჯებით უზრუნველყოფს მიმწოდებელი.

7. ანგარიშსწორების პირობები და ვადები


- 7.1. ანგარიშსწორება განხორციელდება უნაღდო ანგარიშსწორების ფორმით ლარში, ფაქტიურად მიწოდებული საქონლის მოცულობის შესაბამისად, მიმწოდებლის საბანკო რეკვიზიტებზე.
- 7.2. ანგარიშსწორება განხორციელდება ანგარიშსწორების პირობებისა და ვადების შესაბამისად (დანართი №3).
- 7.3. შემსყიდველი უფლებამოსილია, ხოლო მიმწოდებელი თანახმაა ხელშეკრულების 10.3 პუნქტით დაკისრებული პირგასამტეხლოს თანხა (ასეთის არსებობის შემთხვევაში) გამოქვითოს ყოველი მიღება-ჩაბარების აქტის შესაბამისი, მიმწოდებელზე გადასარიცხი თანხიდან.
- 7.4. საქართველოს კანონმდებლობით გათვალისწინებული ყველა გადასახადის გადახდაზე პასუხისმგებელია მიმწოდებელი.

8. საქონლის საგარანტიო პირობები და ვადები

- 8.1. მიმწოდებელი იძლევა გარანტიას, რომ მიწოდებული საქონელი იქნება ახალი, ხარისხიანი, სწორი ექსპლუატაციის პირობებში არ გამოავლენს დეფექტს და შეესაბამება საქონლის ტექნიკურ პირობებს (დანართი №4).
- 8.2. მიმწოდებელი იძლევა გარანტიას მიწოდებულ საქონელზე, საგარანტიო პირობისა და ვადების შესაბამისად (დანართი №5).
- 8.3. მიმწოდებელი ვალდებულია გონივრულ ვადაში (თუ დანართი №5-ით კონკრეტული ვადა არ არის გათვალისწინებული) განახორციელოს წუნდებული საქონლის ან მისი ნაწილის შეკეთება ან შეცვლა შემსყიდველის მხრიდან რაიმე დამატებითი დანახარჯის გაწევის გარეშე.
- 8.4. მიმწოდებლის მიერ საგარანტიო ვალდებულების შეუსრულებლობის შემთხვევაში, შემსყიდველს უფლება აქვს თვითონ მიიღოს ზომები წარმოქმნილი დეფექტების გამოსწორებისათვის და მოსთხოვოს მიმწოდებელს შესაბამისი ხარჯების ანაზღაურება ან გამოქვითოს ეს თანხა ხელშეკრულების მიხედვით მიმწოდებლისათვის გადასახდელი თანხიდან.

9. ხელშეკრულების შეწყვეტა

- 9.1. ხელშეკრულება შეიძლება შეწყდეს:
- 9.1.1. მხარეთა წერილობითი შეთანხმებით;
- 9.1.2. ხელშეკრულების ვადის გასვლის გამო;
- 9.1.3. 9.2 პუნქტით გათვალისწინებულ შემთხვევებში.
- 9.2. შემსყიდველი უფლებამოსილია ცალმხრივად (მთლიანად ან ნაწილობრივ) შეწყვიტოს ხელშეკრულება, თუ:
- 9.2.1. მიმწოდებელი არ ასრულებს ან არაჯეროვნად ასრულებს ხელშეკრულებით ნაკისრ ვალდებულებებს;
- 9.2.2. მიმწოდებელი სისტემატურად ან/და უხეშად არღვევს ხელშეკრულების პირობებს;
- 9.2.3. მიმწოდებელი ხელშეკრულებით გათვალისწინებულ ან შემსყიდველის მიერ გაგრძელებულ ვადებში ვერ უზრუნველყოფს ხელშეკრულებით გათვალისწინებული საქონლის მიწოდებას;
- 9.2.4. მიმწოდებლის გაკოტრების შემთხვევაში;
- 9.2.5. შემსყიდველისათვის ცნობილი გახდა, რომ მიმწოდებლის საკვალიფიკაციო მონაცემების დამადასტურებელი დოკუმენტები ყალბი აღმოჩნდება.

„შემსყიდველი“
შპს „საქართველოს მელიორაცია“

არჩილ ბუკჩია
გენერალური დირექტორი



10. მხარეთა პასუხისმგებლობა

- 10.1. მხარეები კისრულობენ ვალდებულებას, აუნაზღაურონ მეორე მხარეს მათ მიერ წინამდებარე ხელშეკრულების შეუსრულებლობისათვის ან არასრულად შესრულების შედეგად მიყენებული ზიანი, მოქმედი კანონმდებლობით განსაზღვრული წესით.
- 10.2. შემსყიდველი კისრულობს პასუხისმგებლობას ხელშეკრულებით გათვალისწინებული ანგარიშსწორების ვადების დარღვევისათვის, პირგასამტეხლოს სახით მიმწოდებელს გადაუხადოს გადასახდელი თანხის 0.1 პროცენტი ყოველი ვადაგადაცილებული დღისათვის.
- 10.3. მიმწოდებელი კისრულობს პასუხისმგებლობას: მიწოდების გრაფიკით გათვალისწინებული ვადების დარღვევის შემთხვევაში, პირგასამტეხლოს სახით შემსყიდველს გადაუხადოს გრაფიკით მისაწოდებელი საქონლის ღირებულების 0.1 პროცენტი ყოველი ვადაგადაცილებული დღისათვის;
- 10.4. მხარეები თავისუფლდებიან პასუხისმგებლობისაგან:
- 10.4.1. თუ ხელშეკრულებით ნაკისრი ვალდებულებების შეუსრულებლობა გამოწვეულია ფორს-მაჟორული მდგომარეობით ან/და მხარეები ხელშეკრულების შესრულების პროცესში წაწყდებიან ისეთ ხელშეშლელ გარემოებებს, რომელიც გამოწვეულია მათგან დამოუკიდებელი სხვა ობიექტური მიზეზებით;
- 10.4.2. ის მხარე, რომელიც ხელშეკრულების 10.4.1 პუნქტით გათვალისწინებული შემთხვევების გამო ვერ ასრულებს ხელშეკრულებით ნაკისრ ვალდებულებას ვალდებულია დაუყოვნებლივ წერილობით აცნობოს მეორე მხარეს ნაკისრი ვალდებულებების შეუსრულებლობის გამომწვევი მიზეზებისა და მისი შესაძლო ხანგრძლივობის შესახებ, ხოლო შეტყობინებიდან არაუგვიანეს 10 (ათი) დღისა წარმოადგინოს ცნობა შესაბამისი კომპენტენტური ორგანიზაციიდან (ასეთის არსებობის შემთხვევაში), რომელიც დაადასტურებს წერილში მოყვანილ გარემოებებს;
- 10.4.3. ხელშეკრულების 10.4.2 პუნქტით გათვალისწინებული პირობების დაცვის შემთხვევაში მხარეები უფლებამოსილნი არიან გადახდონ ხელშეკრულების პირობებს და შეიტანონ მასში შესაბამისი ცვლილება ვალდებულების შესრულების ვადის გაგრძელებასთან დაკავშირებით ან/და ვადად შეწყვიტონ ხელშეკრულების მოქმედება.

11. ფორს-მაჟორი

- 11.1. ხელშეკრულების პირობების ან რომელიმე მათგანის მოქმედების შეჩერება ფორს-მაჟორული გარემოებების დადგომის გამო არ იქნება განხილული როგორც ხელშეკრულების პირობების შეუსრულებლობა ან დარღვევა და არ გამოიწვევს საჯაროო სანქციების გამოყენებას და მიმწოდებლისათვის ხელშეკრულების შესრულების გარანტიის დაუბრუნებლობას.
- 11.2. ამ მუხლის მიზნებისათვის "ფორს-მაჟორი" ნიშნავს მხარეებისათვის გადაულახავ და მათი კონტროლისაგან დამოუკიდებელ გარემოებებს, რომლებიც არ არიან დაკავშირებული შემსყიდველისა და/ან მიმწოდებლის შეცდომებთან და დაუდევრობასთან და რომლებსაც გააჩნია წინასწარ გაუთვალისწინებელი ხასიათი. ასეთი გარემოება შეიძლება გამოწვეული იქნას ომით ან სტიქიური მოვლენებით, ეპიდემიით, კარანტინით და ემბარგოს დაწესებით, საბიუჯეტო ასიგნებების მკვეთრი შემცირებით და სხვა.
- 11.3. ფორს-მაჟორული გარემოებების დადგომის შემთხვევაში ხელშეკრულების დამდებმა მხარემ, რომლისთვისაც შეუძლებელი ხდება ნაკისრი ვალდებულებების შესრულება, დაუყოვნებლივ უნდა გაუგზავნოს მეორე მხარეს წერილობითი შეტყობინება ასეთი გარემოებების და მათი გამომწვევი მიზეზების შესახებ. თუ შეტყობინების გამგზავნი მხარე არ მიიღებს მეორე მხარისაგან წერილობით პასუხს, იგი თავისი შეხედულებისამებრ, მიზანშეწონილობისა და შესაძლებლობისა და მიხედვით აგრძელებს ხელშეკრულებით ნაკისრი ვალდებულებების შესრულებას და ცდილობს გამონახოს ვალდებულებების შესრულების ისეთი ალტერნატიული ხერხები, რომლებიც დამოუკიდებელნი იქნებიან ფორს-მაჟორული გარემოებების ზეგავლენისაგან.

12. გამოყენებული სამართალი

ხელშეკრულება დადებულია საქართველოს კანონმდებლობის შესაბამისად და ინტერპრეტირებული იქნება საქართველოს კანონმდებლობის მიხედვით.

13. ხელშეკრულებაში ცვლილებების შეტანა

- 13.1. ხელშეკრულების დამდებ არც ერთ მხარეს არა აქვს უფლება ცალმხრივად შეცვალოს ხელშეკრულების პირობები.
- 13.2. დაუშვებელია ხელშეკრულებაში იმგვარი ცვლილებების შეტანა, რომლის შედეგადაც იზრდება ხელშეკრულების ღირებულება ან უარესდება ხელშეკრულების პირობები შემსყიდველისათვის, გარდა საქართველოს სამოქალაქო კოდექსის 398-ე მუხლით დადგენილი შემთხვევებისა.
- 13.3. საქართველოს სამოქალაქო კოდექსის 398-ე მუხლით გათვალისწინებული პირობების დადგომის შემთხვევაში, დაუშვებელია ხელშეკრულების ღირებულების 10%-ზე მეტი ოდენობით გაზრდა.

„შემსყიდველი“
შპს „საქართველოს მელიორაცია“

არჩილ ბუკია
გენერალური დირექტორი

„მიმწოდებელი“
შპს „ორიენტი“

შორენა კინჭაძე
დირექტორი

13.4. ხელშეკრულების პირობების ნებისმიერი ცვლილება უნდა გაფორმდეს შეთანხმების სახით, რომელიც თან დაერთვება ხელშეკრულებას და ჩაითვლება მის განუყოფელ ნაწილად.

14. ხელშეკრულების სხვა პირობები

- 14.1. ხელშეკრულების არც-ერთ მხარეს არა აქვს უფლება მეორე მხარის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობანი.
- 14.2. ხელშეკრულება შედგენილია ქართულ ენაზე 3 (სამი) ეგზემპლარად, რომელთაგან თითოეულს აქვს თანაბარი იურიდიული ძალა და ინახება ხელმომწერ მხარეებთან (2 ეგზემპლარი შემსყიდველთან, 1 ეგზემპლარი მიმწოდებელთან).

15. ხელშეკრულების მოქმედების ვადა

ხელშეკრულება ძალაშია მისი ხელმოწერის დღიდან და მოქმედებს 2018 წლის 01 თებერვლის ჩათვლით.

16. მხარეთა იურიდიული მისამართები და საბანკო რეკვიზიტები

„შემსყიდველი“

შპს „საქართველოს მელიორაცია“
მის: თბილისი, მარშალ გელოვანის გამზ. N6

ტელ: (995 32) 2 480100.

სს თიბისი ბანკი

ა/ა GE42TB7484736020100003; ბანკის კოდი: TBCBGE22

საიდენტიფიკაციო კოდი: 204524568

„მიმწოდებელი“

შპს „ორიენტი“

მის: ქ. თბილისი, კრწანისის ქ., N8, კორ. 2, ბ. N22

ტელ: (995 599) 435 299.


სს პროკრედიტ ბანკი

ა/ა GE20PC0133600100064859; ბანკის კოდი: MIBGGE22

საიდენტიფიკაციო კოდი: 406104488

„შემსყიდველი“

შპს „საქართველოს მელიორაცია“


არჩილ ბუგურა

გენერალური დირექტორი



„მიმწოდებელი“

შპს „ორიენტი“


შორენა გვინჯარიშვილი

დირექტორი



ჩანგლიანი დამტვირთველის სახელმწიფო შესყიდვის სატენდერო წინადადების ფასი (დღგ-ს ჩათვლით, ლარი)
და ფასების ცხრილი

8 ნოემბერი, 2017

შპს „ორიენტი“ აღნიშნულ საქონელს გთავაზობთ 53820 (ორმოცდაცამეტათასრვაასოცი) ლარად

ფასების ცხრილი

№	საქონლის დასახელება	განზ	რაოდენობა	ერთულის ფასი	საერთო ღირებულება
I	II	III	IV	V	VI
1	ჩანგლიანი დამტვირთველი	ც	1	53820	53820

პრეტენდენტის ხელმოწერა და ბეჭედი:

შპს ორიენტის დირექტორი,

შორენა კიწმარიშვილი




საქონლის მიწოდების გრაფიკი და ადგილი

საქონლის მიწოდება უნდა განხორციელდეს არაუგვიანეს 2017 წლის 25 დეკემბრისა.

საქონლის მიწოდების ადგილია - ქ. თბილისი, ფონიჭალა, რუსთავის გზატკეცილი N26.

დირექტორი შაატა მოსეშვილი

(თანამდებობა, სახელი, გვარი)



[Handwritten signature]

(ხელმოწერა)

ანგარიშსწორების პირობები და ვადები

(პრეტენდენტის დასახელება)

22.10.2017
(შეცხვის თარიღი)

- ანგარიშსწორება განხორციელდება უნაღდო ანგარიშსწორების ფორმით.
- ანგარიშსწორება განხორციელდება 10 სამუშაო დღის განმავლობაში, გაფორმებული მიღება-ჩაბარების აქტისა და საგადასახადო ანგარიშ-ფაქტურის (იმ შემთხვევაში, თუ მიმწოდებელი არ არის დღგ-ს გადამხდელი, მის მიერ წარმოდგენილი უნდა იქნეს ცნობა სსიპ შემოსავლების სამსახურიდან დღგ-ს არგადამხდელის შესახებ) წარდგენის საფუძველზე.

დირექტორი პაატა მოსეშვილი

(თანამდებობა, სახელი, გვარი)



(ხელმოწერა)

ტექნიკური პირობები

№	საქონლის დასახელება	სატენდერო დოკუმენტაციით განსაზღვრული საქონლის ტექნიკური პარამეტრები	შემოთავაზებული საქონლის წარმოშობის ქვეყანა, მწარმოებელი კომპანია და მოდელი (განმასხვავებელი ნიშანი, სერიული ნომერი, მარკა და ა.შ.)	შემოთავაზებული საქონლის დეტალური (ქარხნული) ტექნიკური პარამეტრები
I	II	III	IV	V
1	ჩანგლიანი დამტვირთველი	ჩანგლიანი დამტვირთველი უნდა აკმაყოფილებდეს შემდეგ მინიმალურ მოთხოვნებს: გამოშვების წელი - არაუგვიანეს 2017 წლისა; მდგომარეობა - ახალი, არ უნდა იყოს ექსპლუატაციაში ნამყოფი; ძრავი - დიზელის ტიპის; ტვირთამწეობა - არანაკლებ 1500 კგ.; აწევის მაქსიმალური სიმაღლე - არანაკლებ 3.3 მეტრი; მაჩეტების რაოდენობა - არანაკლებ 3 ცალი; ჩანგლების სიგრძე - არანაკლებ 1.1 მეტრი; ჩანგლების მოძრაობა - ვერტიკალური / ჰორიზონტალურად მიმწოდებელი უნდა იყოს შემოთავაზებული საქონლის ქარხანა-დამამზადებლის ოფიციალური წარმომადგენელი ან/და დილერი საქართველოში რისი დადასტურებისთვისაც უნდა წარმოადგინოს შესაბამისი დოკუმენტაცია (ცნობა - წერილი და ა.შ. გაცემული ქარხანა დამამზადებლისაგან)	წარმოშობის ქვეყანა: თურქეთი მწარმოებელი კომპანია: Rapid Makina მოდელი: ND30T	ჩანგლიანი დამტვირთველი აკმაყოფილებს შემდეგ მოთხოვნებს: - გამოშვების წელი: 2017 - მდგომარეობა: ახალი, არ არის ექსპლუატაციაში ნამყოფი - ძრავი: დიზელის ტიპის - ტვირთამწეობა: 3000 კგ - აწევის მაქსიმალური სიმაღლე: 3300მმ - მაჩეტების რაოდენობა: 3 - ჩანგლების სიგრძე: 1220მმ - ჩანგლების მოძრაობა: ვერტიკალური/ჰორიზონტალურად შპს ორიენტი არის Rapid Makina-ს ოფიციალური დილერი საქართველოში. გთხოვთ იხილოთ აღნიშნული წერილი



პრეტენდენტის ხელმოწერა და ბეჭედი:

შპს ორიენტის დირექტორი,

შორენა კიწმარიშვილი

საგარანტიო პირობა და ვადა

შპს ორიენტი იღებს გარანტიას, რომ მოწოდებული საქონელი იქნება ახალი, ხარისხიანი, შეესაბამება ამ საქონლისათვის დადგენილ ნორმებსა და სტანდარტებს და შეესაბამება ამ სატენდერო დოკუმენტაციის დანართი N4-ით გათვალისწინებულ ტექნიკურ პარამეტრებს.

შპს ორიენტი ვალდებულია წუნდებული საქონლის შეცვლა (იმ შემთხვევაში თუ მოწოდებული საქონელი არის ქარხნული წუნი ან მისი შეკეთება შეუძლებელია) განახორციელოს არაუმეტეს ერთი კალენდარული თვის ვადაში.

№	საქონლის დასახელება	მინიმალური საგარანტიო ვადა (არანაკლებ)	შემოთავაზებული საგარანტიო ვადა
I	II	III	IV
1	ჩანგლიანი დამტვირთველი	1500 საათი (წლების გარეშე)	1500 საათი (წლების გარეშე)

პრეტენდენტის ხელმოწერა და ბეჭედი:

შპს ორიენტის დირექტორი,

შორენა კიწმარიშვილი

